

քին՝ աստղերը բարձր պահելու համար :
Չարմանալի է . տեղ տեղ ձիւն կայ :
Կամուրջ՝ գետի վրայ : Յետոյ բարձրա-
նում ենք :

Սառել եմ : Վենետիկում գնած վերար-
կուիս տակ Նոր Բայազետը ձիւն է դիզել : Ու-
կորներիս վրա սառ է հալում :

Մեզ գիմաւորում է միլիցիականների մի
խումբ :

— Գալիս էինք ձեր յետեւից : Ընկեր Լու-
կաշինը դրկեց :

Սանդուխներ : Լայն մի մայթ : Հասել
ենք :

Դուռը բացում է վերջապէս եւ դրսի
ծանր լուծիւնը հրում է մեզ ներս :

Հասել ենք :

* * *

Մեծ մի սրահի մէջ ծխախոտի ծուխը
կառիերի գոյներով դէմքեր է ծեփել : Կլոր
մի սեղանի շուրջ իշխանութիւնը մէկը միւսի
ետեւից գեկուցումներ է լսում : Ամէն մի պաշ-
տօնեայի հետ ներս է մտնում սխտորի եւ կաշ-
ուի ծանր մի հոտ եւ յուզում :

Գործկոմը ներկայացնում է : Պաշտօնեան
աւքերը չոում է եւ սպասում : Քթի-տակ հարց
են մրմուռում ու գեկուցողը կմկմում է :

— Ի հարկէ, ի հարկէ . . . դէ այդ մասին
մանրամասն ինձ կը գրէք Երեւան :

Ու պաշտօնեան սողում է դուրս :

Դրան մօտ կանգնել է խեղճ մի մարդ :
Կարճահասակ, ահագին կօշիկներ ոտքերին,
արտաոտց մի պլինդակ, վայր թափուող տա-
րատ, երկայն բեխեր, կինճիռներով լեցուն
դէմք եւ վաղուց չածելուած կարճ ծնօտ :

Ձեռքերը զրպանն է դրել եւ անհանգիստ
սպասում է : Ամէն անգամ, որ Գործկոմը մօ-
տենում է դրան, մարդը վառվռուն աչքերով
նրան է նայում, բայց Գործկոմը անցնում է
իր թէ նրան չի տեսնում :

Չգիտեմ ինչո՞ւ այս մարդը առանձնապէս
հրաւիրում է իմ ուշադրութիւնս : Նախ՝ չա-
փազանց խեղճ է, իր կեցուածքի մէջ էլ ծիծա-
ղելի, բայց յայտնի է, որ ինչ որ մի բան սաս-
տիկ յուզում է նրան, ներսը մաշում եւ որ նա
հսկայ ճիգ է անում իր արժանապատուութիւ-
նը պահելու : Յայտնի է նաեւ, որ Գործկոմին

չատ էլ հաճելի մարդ չէ . նա նրան համարում
է իբրեւ «արհամարհելի քանակութիւն», ու-
չընչութիւն, ոչիլ :

Գործկոմը մօտենում է իշխանութեան եւ
ինչ որ բան փոփսում : Վերջապէս մարդու ոտ-
քերը տարատի մէջ լողում են, նա մօտենում է
եւ վճռական կերպով ու երկարօրէն՝ բունց-
քը օդի մէջ կարճահարուած մրճահարելով՝
ինչ որ մի բան է խօսում : Ես զգում եմ, որ ե-
թէ մենք այստեղ չլինէինք, խեղճ մարդու
դէմ պիտի պոռային : Իշխանութիւնը յօնքերը
ժողոված բարեհաճում է լսել եւ մինչեւ ան-
գամ մեղմ ձայնով կրկնում է .

— Դէ ի հարկէ, ի հարկէ . . . այդ մասին
մանրամասն ինձ գրեցէք Երեւան :

Մարդը ձեռքը երկարում է բարեւելու
համար, բայց որովհետեւ Երեւանը ծխելու
համար լուցկի է վառում, մարդը ձեռքը եր-
կարած, ասես ճանապարհ է ցոյց տալիս, իբ
տարատը ուղղում է գէպի դուռը եւ դուրս է
գլորում :

— Իգիտ՛ա, — ասում է Գործկոմը :

— Ո՞վ է :

— Կպրոցների տեսուչը : Ուզում է ինձա-
նից աւելի կոմունիստ ձեւանալ . . . տխմարի
մէկը :

— Նղբայր, անօթի մեռանք :

— Ոչխար ենք մորթել :

* * *

Քանի անգամ փորձեցին ընդհանուր խօսակ-
ցութիւն առաջ բերել : Էնպէս, մի տաք մթնո-
լորտ : Բան դուրս չեկաւ : Յուրտ էր բարոյա-
պէս եւ ցուրտ էր Ֆիզիքապէս : Առանձին խմ-
բեր կազմեցինք եւ մենք «չեղոք մտաւորական-
ներս» անկիւնը քաշուեցինք աւելորդ հիւրերի
մեր դերի մէջ :

Ահաւոր այդ անօթութիւնների համար
խաշած ոչխարը վերացական կերպարանք ա-
ռաւ : Յողնած, մրսած եւ միշտ անօթի ամէն
մէկը մտածում էր, թէ ո՞ւր եւ ինչպէ՞ս պիտի
պառկի : Բայց Գործկոմը, շարժուն, վայե-
լուչ եւ քաղաքավարի, ուղեց անպատճառ մեզ
զրազեցնի եւ իր գործունէութեան մասին էլ
մանրամասն տեղեկութիւններ պատմեց :

— Այսօր, ասացին, գնացել էք Սեւանայ
կղզին :